

REPUBLICA E KOSOVËS-REPUBLIQUE DE KOSOVO / STATE OF KOSOVO	MPP-POLICIA E KOSOVËS/ MUR POLICIJA KOSOVA / KOSOVO POLICE
DREJTORI I PËRQYTISHMËNI I POLICISË	GENERAL DIRECTOR OF POLICE
Ne/Br.No. 01/0135 M.Fq./Br.St./No.Pg. 7	
Data/Datum/Date:	27/02/20
PRISHTINE-PRIŠTINA-PRISTINA	



REPUBLICA E KOSOVËS REPUBLIKA KOSOVA REPUBLIC OF KOSOVO	AUTORITETI KOSOVAR I KONKURRENCËS AUTORITET KOSOVA ZA KONKURENCIJU KOSOVO COMPETITION AUTHORITY
Nr.I Prot./Br. Prot./Prot.No. 92/20-01/B	Nr.I Fq./Br. St./No.Pg. 27/02/17
Data/Datum/Date:	27.02.2020.
PRISHTINE-PRIŠTINA-PRISTINA	

Republika e Kosovës

Republika Kosova-Republic of Kosovo



**POLICIA E KOSOVËS
POLICIJA KOSOVA
KOSOVO POLICE**

MEMORANDUM BASHKËPUNIMI

ndërmjet

AUTORITETIT KOSOVAR TË KONKURRENCËS

dhe

POLICISË SË KOSOVËS

Palët nënshkruese

- Autoriteti Kosovar i Konkurrencës** (më tutje AKK-ja), adresa: Rr. "Migjeni", objekti ish "Banka e Lubjanës", kati i VI-të, 10000 Prishtinë, të cilën e përfaqëson z. Valon PRESTRESHI, Kryetar i Autoritetit Kosovar të Konkurrencës

dhe

- Policia e Kosovës** (më tutje PK-ja), adresa: Rr. "Luan Haradinaj" nr.101, 10000 Prishtinë, të cilën e përfaqëson z. Rashit QALAJ, Drejtor i Përgjithshëm i Policisë së Kosovës.

Neni 1 QËLLIMI DHE FUSHËVEPRIMI

1.1 Qëllimi i këtij Memorandumi është të promovojo bashkëpunim dhe bashkërendim, ndërmjet pjesëmarrësve në adresimin e shkeljeve të mundshme të Ligjit për Mbrojtjen e Konkurrencës;

1.2 Për të arritur qëllimin e këtij memorandumi, fushat e bashkëpunimit mund të përfshijnë më sa vijon:

- 1.2.1 Zbatim, bashkëpunim dhe bashkërendim;
- 1.2.2 Kontrolli i pa-paralajmëruar;
- 1.2.3 Shkëmbim të burimeve dhe informacionit; dhe
- 1.2.4 Trajnim dhe vetëdijesim.

Neni 2 PËRKUFIZIMET

2.1 Në Memorandum këto shprehje do të kenë përkufizimet e mëposhtme:

2.1.1 **Veprimtaria e kartelit** - do të thotë, pa kufizim, sjellje që i nënshtrohet parashikimeve të Ligjit për Mbrojtjen e Konkurrencës;

2.1.2 **Marrëveshjet e ndaluara** - përfshin të gjitha marrëveshjet ndërmjet dy ose më shumë ndërmarrjeve të pavarura, vendimet e marra në mes të shoqatave të ndërmarrjeve dhe praktikat e bashkërenduara të cilat kanë për qëllim ose mund të ndikojnë në mënyrë të dukshme në çregullimin e konkurrencës tregtare në tregun relevant sipas Nenit 4 të Ligjit për Mbrojtjen e Konkurrencës;

2.1.3 **Abuzimi me pozitën dominuese** - përfshin një ose më shumë ndërmarrje në tregun relevant sipas Nenit 11 të Ligjit për Mbrojtjen e Konkurrencës;

2.1.4 **Aktiviteti zbatues** - përfshin një hetim që zhvillohet nga AKK-ja në kuadër të Ligjit për Mbrojtjen e Konkurrencës, i cili përfshin veprimtari të mundshme të kartelit;

2.1.5 **Kontrolli i pa-paralajmëruar-përfshin** kontrollin sipas Nenit 39 dhe 40 të Ligjit për Mbrojtjen e Konkurrencës.

Neni 3
RUAJTJA E KOMPETENCAVE, DETYRAVE DHE FUNKSIONEVE

3.1 Asgjë në këtë Memorandum nuk lagon ose tjetërson ndonjë kompetencë, detyrë ose funksion të AKK-së ose të PK-së.

Neni 4
ZBATIMI, BASHKËPUNIMI DHE BASHKËRENDIMI

4.1 Kur PK-ja zbulon diçka që në mënyrë të arsyeshme beson se është aktivitet i mundshëm karteli në lidhje me një proces të marrëveshjeve të ndaluara, abuzimi me pozitë dominuese, praktikave të bashkërenduara, atëherë do të informoj AKK-në sa më shpejt që të jetë e mundur;

4.2 AKK-ja do të konsultohet me Personin e Kontaktit të PK-së, kur kërkon informata nga PK-ja si pjesë e aktiviteteve të zbatimit të AKK-së, të tilla si provat mbështetëse, këshilla, asistencë ose informacione të tjera relevante.

Neni 5
KONTROLLI I PA- PARALAJMËRUAR (DAWN RAIDS)

5.1 Para kryerjes së kontrollit të paparalajmëruar në objektet afariste, depot e hapura dhe mjetet e transportit, AKK-ja kërkon nga Gjykata kompetente lëshimin e një urdhëri që i autorizon zyrtarët e AKK-së të hyjnë pa paralajmërim paraprak ose leje të veçantë, në selinë dhe çfarëdo prone dhe vend tjetër të ndërmarrjes që shfrytëzohet për kryerjen e aktiviteteve afariste, nëse ekziston rreziku i fshehjes apo shkatërrimit të provave;

5.2 Në rastin kur ekziston dyshimi i bazuar se ekziston rreziku i zhdukjes ose ndryshimit të provave të cilat gjenden të palët në procedurë, zyrtarët e autorizuar të AKK-së në mënyrë të pavarur ose me ndihmën e PK-së, kryejnë kontrollin e paparalajmëruar nga paragrafi 5.1. i këtij nenit dhe për këtë e njofton subjektin, respektivisht poseduesin e objektit dhe sendeve në vendin e ngjarjes për kryerjen e kontrollit të paparalajmëruar;

5.3 Zyrtari i AKK-së i caktuar sipas Aneks 1 të këtij Memorandumi njofton zyrtarin e PK-së po ashtu i caktuar sipas Aneks-it 1 të këtij Memorandumi, njëzetkatër (24) orë më herët për zhvillim e procedurës së kontrollit të pa-paralajmëruar;

5.4 Zyrtari i AKK-së zyrtarin e PK-së për shkallën e rrezikshmërisë të kontrollit të pa-paralajmëruar;

5.5 Zyrtari i AKK-së dhe zyrtari i PK-së, zhvillojnë takim të veçantë, organizativ dhe strategjik, në objektin e AKK-së, për realizimin e kontrollit të pa-paralajmëruar.

Neni 6
SHKËMBIMI I BURIMEVE DHE E INFORMACIONIT

6.1 Pjesëmarrësit do të konsultohen me njëri-tjetrin për çështje me interes të ndërsjellë sa herë që lind nevoja. Si pjesë e këtij procesi të konsultimit, pjesëmarrësit bien dakord që ata, ndër të tjera:

6.1.1 Të punojnë në bashkëpunim, kur të paraqiten mundësítë, të ndajnë burimet dhe shkëmbejnë informacione për të rritur efikasitetin dhe ekspertizën në fushat me interes të ndërsjellë, që kanë të bëjnë me shkeljet e Ligjit për mbrojtjen e konkurrencës;

Neni 7
TRAJNIMI DHE VETËDIJËSIMI

7.1 AKK-ja do të ofroj trajnime për punonjësit e PK-së në lidhje me shenjat paralajmëruese që lidhen me një aktivitet të mundshëm karteli, marrëveshjeve të ndaluara, abuzimi me pozitë dominuese, praktikat e bashkërenduara, si dhe hapat që mund të merren për të zvogëluar mundësinë e viktimidimit dhe raportimin e rasteve të dyshuara në AKK. AKK-ja gjithashtu informon bizneset në lidhje me Ligjin për Mbrojtjen e Konkurrencës;

7.2 Për sa i përket aktiviteteve të trajnimit dhe vetëdijesimit të pjesëmarrësve, varësisht aranzhimeve të herë pas hershme, ato do të:

7.2.1 konsultohen dhe do të bashkërendohen për shpërndarjen e mesazheve kyçë në lidhje me zbulimin dhe parandalimin e veprimtarisë së kartelit, që duhet të përfshihen në komunikimet me palët përkatëse të interesit dhe me punonjësit të Policisë së Kosovës; dhe

7.2.2 krijojnë një plan pune për aktivitetet dhe ngjarjet që do të ndërmerren në kuadër të nenit 7.1

Neni 8
SHKËMBIMI, MENAXHIMI DHE FSHEHTËSIA E INFORMACIONIT

8.1 Pjesëmarrësit nuk do të ndajnë informacionin në kuadër të këtij Memorandumi nëse veprimi i tillë do të ishte në kundërshtim me legjislacionin në fuqi ose instrumentet ndërkombëtare;

8.2 Në varësi të legjislacionit në fuqi, informacioni i komunikuar ndërmjet pjesëmarrësve në kuadër të këtij Memorandumi do të trajtohet me fshehtësi;

8.3 Pjesëmarrësit do të ndërmarrin të gjithë hapat e arsyeshëm për të mbrojtur dhe ruajtur fshehtësinë dhe informacionin e komunikuar ndërmjet pjesëmarrësve në kuadër të këtij Memorandumi si dhe për t'u mbrojtur nga qasje të paautorizuara dhe zbulimi aksidental i tyre;

8.4 Pjesëmarrësit do të kufizojnë qasjen në informacionin e komunikuar në kuadër të këtij Memorandumi, vetëm për punonjësit e tyre të autorizuar;

8.5 Çdo informacion i komunikuar ndërmjet pjesëmarrësve në kuadër të këtij Memorandumi, do të përdoret vetëm për qëllimin specifik për të cilin është dhënë ai informacion dhe nuk do t'i komunikohet një pale të tretë, pa pëlqimin me shkrim të dhënë nga pjesëmarrësi nga i cili është siguruar, përvèç nëse:

8.5.1 Informacioni është publik; ose

8.5.2 Komunikimi kërkohet me ligj, në këtë rast pjesëmarrësi do të njoftoj palen tjetër sa më shpejtë që të jetë e mundur, pasi të mësojë pér një kërkësë të tillë, në mënyrë që t'u mundësojë atyre të ndërmarrin hapat e nevojshëm pér të ruajtur fshehtësinë e informacionit.

8.6 Informacioni i komunikuar ndërmjet pjesëmarrësve në kuadër të këtij Memorandumi, do të administrohet, mirëmbahet, qaset, ruhet dhe shlyhet në përputhje me ligjin në fuqi.

**Neni 9
RISHIKIMI**

9.1 Palët do të vlerësojnë efektivitetin e aktiviteteve të tyre në kuadër të këtij Memorandumi, herë pas here ashtu siç do të merren vesh;

9.2 Si pjesë e një rishikimi nën pikën 9.1, pjesëmarrësit do të hulumtojnë mundësi të mëtejshme pér bashkëpunim dhe bashkërendim.

**Neni 10
MARRËVESHJET FINANCIARE**

10.1 Palët do të kujdesen pér shpenzimet e tyre, të bëra gjatë pjesëmarrjes së tyre në kuadër të këtij Memorandumi.

**Neni 11
MOSMARRËVESHJET EVENTUALE DHE VLEFSHMËRIA KOHORE**

11.1 Palët nënshkruese të këtij Memorandumi, pajtohen se pér çdo mosmarrëveshje apo keqinterpretim lidhur me natyrën dhe qëllimin e bashkëpunimit që del nga ky Memorandum do ta zgjedhin përmes bisedimeve dhe mirëbesimit të ndërsjellët;

11.2 Palët pajtohen se do të kujdesën pér zbatimin me përkushtim dhe përpikëri të këtij Memorandumi;

11.3 Ky Memorandum do të jetë i vlefshëm pér një afat të pacaktuar kohor dhe secila palë ka të drejtë ta shkëpus këtë Memorandum në cilën do kohë, duke i dhënë palës tjetër paralajmërimin me shkrim së paku një (1) muaj, paraprakisht para shkëputjes - anulimit.

Neni 12
NËNSHKRIMI DHE HYRJA NË FUQI

12.1 Memorandumi është hartuar dhe nënshkruhet në dy (2) kopje origjinale (në gjuhën shqipe dhe serbe), nga një (1) kopje për secilën palë nënshkruese dhe e njëjtë hyn në fuqi në ditën e nënshkrimit nga palët.

Nënshkruar me datë: _____ në _____

P A L È T N Ë N S H K R U E S E

Për: AKK-në

z. Valon PRESTRESHI

Kryetar i Autoritetit Kosovar të Konkurrencës



(nënshkrimi dhe vula)

Për: PK-në

z. Rashit QALAJ

Drejtor i Përgjithshëm i Policisë se Kosovës



(nënshkrimi dhe vula)

Aneksi 1

LISTA E KONTAKTEVE

Kontaktet e AKK-së:

Për Autoritetin Kosovar të Konkurrencës	038-200-10982
Riza ARIFI – Udhëheqës i Divizionit të Pozitë Dominuese	Info.konkurrenca@rks- gov.net
	038 200 10978
	Mob: +38344162801
	Rizah.Arifi@rks-gov.net

Kontaktet e PK-së:

- Qendra Operative e DPP-së 038-542-127 / 044- 500- 404 / 038- 5080-1177
 qendraoperative@kosovopolice.com
- N N